

玉

海

五十

玉海卷第一百二

浚儀王應麟伯厚甫

郊祀

羣祀

山川附

天有四時地載神氣妙萬物而無不在也聖人因物之精制爲之極使人承祀而致生之洋洋如在其上勿勿欲其饗之也祀者自有以感於無自實以通於虛必以氣合氣然後可冀其格

神農時祀

呂氏春秋神農氏有天下也時祀盡敬而不祈福

又莊

子亦注時四時祈求也

黃帝祭山川 山川封禪

史記黃帝紀萬國和而鬼神山川封禪與爲多焉

通典黃帝祭於山川與爲多焉 漢志申公曰黃帝

萬諸侯而神靈之封君七千

張晏曰山川之守也師古曰尊山川之神令主

祭祀即國語所云汪芒氏君守封禪之山也

管子黃帝問伯高對曰山

見其榮者封而祭之距封十里爲一壇 通曆黃帝

興封禪之禮

舜禋六宗

舜典禋于六宗 孔叢子論言篇宰我問禋子曰所

宗者六皆潔祀之也埋少牢於太昭祭時也祖迎於

坎壇祭寒暑也主於郊官

祭法作王宮

祭日也夜明祭月

也幽禋祭星也雩禋祭水旱也禋于六宗此之謂也

孔安國曰四時寒暑日月星水旱與祭法同王肅亦引此與孔注同

書正義漢世以

來說六宗者多矣歐陽大小夏侯云上不謂天下不

謂地旁不謂四方在六者之間助陰陽變化實一而

名六宗孔光劉歆謂乾坤六子水火雷風山澤賈逵

謂天宗三日月星地宗三河海岱馬融云天地春夏

秋冬鄭玄謂星辰司中司命風師雨師晉初張髦上

表云祀祖考三昭三穆司馬彪云歷難諸家及自言

己意天宗者日月星辰寒暑之屬地宗社稷五祀之

屬四方之宗四時五帝之屬惟王肅據家語與禮同

各言其志未知孰是

張迪云六宗六代帝王
高閼曰議者不同凡十二家
元魏

司馬彪續漢書云安帝元初六年立六宗於洛陽城

西北亥地魏亦因之晉荀顗以六宗之神諸說不同

廢之摯虞駁之謂宜依舊近代以來皆不立六宗之

祠

詳見下

漢郊祀志禋于六宗注孟康曰六宗星

辰風伯雨師司中司命一說云乾坤六子又一說天

宗三日月星辰地宗三太山河海或曰天地之間游

神也師古曰潔精以祀謂之禋六宗之義說者多矣

乾坤六子其最通乎 月令孟冬祈天宗注日月星

辰 異義春秋魯郊祭三望言郊天日月星河海山

凡六宗魯下天子不祭日月星但祭分野星其中山

川故言三望與古尚書說同 杜祐從魏孝文之說曰徧祀六天 公

羊傳注禮祭天牲角繭栗社稷宗廟角握六宗五岳

四瀆角尺

舜望祭九州山川 望秩山川 唐虞柴

燎五嶽

舜典正月上日望于山川徧于羣神 注九州名山大

屬皆一時望祭之羣神謂邱陵墳衍古之聖賢皆祭之 歲二月至于岱宗柴望

秩于山川

注東岳諸侯竟內名山大川如其秩次望祭之謂五岳牲禮視三公四瀆視諸侯其

餘視伯子男

封十有二山濬川

晉志穆帝升平中何琦

論曰唐虞五載一狩順帝之方柴燎五嶽望于山川

徧于羣神故曰因名山升中于天

書注云泰山五岳所宗燔柴祭天告

至

舜祠田

文心雕龍舜之祠田云荷此長耜耕彼南畝四海俱
有利民之志頗形於言

禹山川祀禮

禹貢奠高山大川注五岳四瀆定其差秩祀禮所視

梁州蔡蒙旅平

注二山名祭山曰旅

雍州荆岐既旅

祭旅九山

刊旅九州滌源九澤既陂

注九州名山已通道而旅祭

魯語禹致羣神於會稽之山

注羣神謂主山川之君爲羣神之主

淮

南子禹治水禱陽紆

徐鉉曰禹奠九州受蒼水繡

衣之命武師牧野接五車兩騎之神學記三王祭

川先河而後海漢志周公制禮天子祭天下名山

大川懷柔百神咸秩無文諸侯祭疆內禮大宗伯

以血祭祭五嶽以貍沈祭山林川澤注五嶽東曰岱

宗南曰衡山西曰華山北曰常山中曰嵩高山太陽

紆請而洪災息

禹

桑林禱而甘澤滋

湯

禹洪祀

見五行傳 晉隆和元年詔欲依鴻祀之制於太極殿前庭親執虔肅孔嚴諫曰鴻祀雖出尙書大傳先儒所不究歷代莫之興帝嘉納而止

商方明

漢律歷志伊訓曰成湯既沒太甲元年伊尹作伊訓篇曰伊尹祀于先王誕賚有牧方明注如淳曰覲禮諸侯覲天子爲壇十有二尋加方明于其上孟康曰方明若神明之象也以木爲之方四尺畫六采東靑西白南赤北黑上立下黃 儀禮覲禮拜日於東門

之外反祀方明

殷功臣配食

書盤庚茲于大享予先王爾祖其從與享之注古者天子錄臣配食於廟大享烝嘗也疏此殷時已然矣秋冬物成可薦者眾故烝嘗爲大秋冬之祭尙及功臣則禘祫可知近代已來惟禘祫乃祭功臣配食時祭不及之功臣各配所事之君禘祫則毀廟之主亦在焉功臣亦當在也

周國祀虞周祭祀羣臣

又見朝儀

春官肆師掌立國祀之禮以佐大宗伯大祀用玉帛

王 卷一百二
五
牲牷次祀用牲幣小祀用牲注大祀天地宗廟次祀
日月星辰社稷五祀五嶽小祀司命司中風師雨師
山川百物 典祀掌外祀之兆守注所祀於四郊者
天官酒正大祭三貳中祭再貳小祭壹貳注鄭司
農云大祭天地中祭宗廟小祭五祀立謂大祭王服
大裘衮冕所祭中祭王服鷩毳所祭小祭王服希立
所祭 祭法非此族也不在祀典釋文鄭云記虞周
天子以下祭祀羣臣之數 洪範八政三曰祀

周五祀 七祀 殷五祀 漢五祀

左傳昭二十九年史墨對魏獻子曰五行之官是謂

五官列受氏姓封爲上公祀爲貴神社稷五祀是尊
是奉木正句芒火祝融金蓐收水玄冥土后土

家語

同

大宗伯以血祭祭社稷五祀五嶽注謂五官之

神在四郊四時迎五行之氣於四郊而祭五德之帝

亦食此神焉

先鄭云五色之帝於王者宮中日五祀

小祝分禱五祀

注王七祀祀五者司命大厲不以告司服祭社稷

五祀則希冕小子掌珥于社稷祈于五祀曲禮

天子祭天地山川五祀歲徧注殷時制禮運命降

於五祀之謂制度五祀所以本事也自郊社祖廟山

川五祀義之修禮之藏也王制大夫祭五祀注謂

司命中霤行門厲 月令孟冬臘先祖五祀注凡祭
五祀於廟用特牲有主有尸皆先設席于奧正義皆
中霤禮此殷禮也周則七祀加司命與厲祀則在宮
內宮正注祭七祀於宮中 祭法王爲羣姓立七祀

曰司命中霤國門國行泰厲戶竈王自爲立七祀

注謂周制也 諸侯爲國立五祀大夫立三祀士立二祀庶

士庶人立一祀注今時民家或春秋祠司命行神山
神門戶竈在旁山卽厲也 儀禮聘禮釋幣于行注

天子諸侯有常祀在冬大夫三祀門行厲今時民奉
秋祭祀有行神古之遺禮乎 詩鳧鷖在臺箋燕七

神之戶於門戶之外宮正注祭社稷七祀於宮中

酒正注鄭司農云小祭五祀鄭玄謂五祀殷制

七祀周制然周官天子亦止五祀明堂月令春祀戶

夏祀竈中央祀中霤秋祀門冬祀行及曲禮禮運皆

云五祀不及司命泰厲儀禮士亦禱五祀聘禮大夫

有門行鄭玄釋大宗伯之五祀用左傳家語之說小

祝之五祀用月令之說王制之五祀用祭法之說

漢郊祀志周大夫祭門戶井竈中霤五祀

白虎通劉昭高堂隆

之徒以五祀爲門井戶竈中霤

後祭祀志國家亦有五祀之祭有

司掌之其禮簡於社稷注五祀門戶井竈中霤也

晉志漢儀曰國家亦有五祀有司行事其禮頗輕於社稷則亦存其典矣

漢武帝以李少君故始祠竈志注風俗通曰今民有祠司命

楚辭九歌有大少司命

周四類

禮小宗伯兆五帝於四郊四望四類亦如之注兆爲壇之營域鄭司農云四類三皇五帝九皇六十四民咸祀之立謂四類日月星辰運行無常以氣類爲之位北日於東郊兆月與風師於西郊兆司中司命於南郊兆雨師於北郊 大宗伯以實柴祀日月星辰以槱燎祀司中司命飊師雨師注鄭司農云司中三

能三階也司命文昌宮星風師箕雨師畢也

洪範注箕星好

風畢星好雨

立謂星謂五緯辰謂日月所會十二次司中

司命文昌第五第四星或曰中能上能也疏案武陵

太守星傳云三台一名天柱上台司命爲太尉中台

司中爲司徒下台司祿爲司空文昌宮第四曰司命

第五曰司中 大司樂祀四望注此言祀者司中司

命風師雨師或亦用此樂與 天府祭天之司民司

祿注司民軒轅角也司祿文昌第六星或曰下能也

祿之言穀也年穀登乃後制祿祭此二星者以孟冬

既祭之而上民穀之數於天府疏案星經軒轅角有

大民小民之星軒轅有十七星如龍形有兩角 小
司寇孟冬祀司民獻民數於王 司民及孟冬祖司
民之日獻其數于王王拜受之登于天府注鄭司農
云文昌宮三能屬軒轅角相與為體近文昌為司命
次司中次司祿次司民立謂司民軒轅角也疏武陵
太守星傳文昌不見有司民故後鄭不從

周四望

禮大宗伯旅四望注鄭司農云四望日月星海漢郊
祀志
同立謂四望五嶽四鎮四瀆疏周國在雍州時無西
嶽權立吳嶽為西嶽非
常法爾 小宗伯兆五帝於四郊四望亦如之注鄭
雅不載